



Broj:10-05-17420/17
Sarajevo, 12.06.2017. godine

SKUPŠTINA KANTONA SARAJEVO
-Služba za skupštinske poslove-

PREDMET : Odgovor na zastupničku inicijativu

Zastupnik Semir Halilović je na 29. Radnoj sjednici Skupštine Kantona Sarajevo, održanoj 10.05.2017. godine, u okviru tačke Dnevnog reda „Zastupnička pitanja, inicijative i odgovori“, u skladu sa Poslovnikom Skupštine Kantona Sarajevo, podsjetio na inicijativu koju je podnio na 11-toj Radnoj sjednici Skupštine Kantona Sarajevo :

“Ovim putem iniciram, također, kod Ministarstva zdravlja KS da se u svim domovima zdravlja i bolnicama, istakne natpis da pored teških bolesnika, hitnih slučajeva i trudnice imaju prednost u redu za čekanje, što sada nema niti u jednoj medicinskoj ustanovi u KS.“

U vezi sa postavljenom zastupničkom inicijativom dostavljamo slijedeći:

O D G O V O R

Ministarstvo zdravstva Kantona Sarajevo je podržalo dostavljenu inicijativu da pored teških bolesnika, hitnih slučajeva i trudnice imaju prednost u redu za čekanje na zdravstvene usluge.

S tim u vezi, ovo ministarstvo je obavjestilo zdravstvene ustanove da na vidnom mjestu istaknu obavijest kojom se trudnicama prilikom čekanja u redu daje prednost.

Napominjemo, da zakonskim i podzakonskim aktima u oblasti zdravstvene zaštite nigdje nije navedena mogućnost prvenstva pri pregledu za određene kategorije stanovništva, već je u skladu sa medicinskom strukom liječnik u hitnim stanjima dužan pružiti pomoć svakom pacijentu bez odgađanja, a ostale pacijente dužan je primati prema stepenu medicinskog prioriteta, odnosno prema listi čekanja. Hitnim stanjima smatraju se ona stanja kod kojih bi zbog nepružanja liječničke pomoći mogle nastati trajne štetne posljedice po zdravlje (invalidnost) ili po život pacijenta.

Odredene zdravstvene ustanove su svojim internim aktima omogućile prednost određenim kategorijama.

